

苗彷彿乎春陽亦復鋤耜加嚴霜伯樂既過空驥  
黃參苓桃李徧羣芳綺言收拾成縑細清新俊逸  
逾尋常譬如糟醅昏醉場鏤心鉢賢伐肝腸風氣  
一時走震疆海內隻字若琳瑯流傳坊本什襲藏  
結頌不綴齒生香德澤綿遠流邇陽突吼塵阜相  
頤頤傳說駢箕歸宮者至今萬丈瞻光芒

念曰於戲不能忘

恩詔下街木鳳凰千秋俎豆陪素王十三郡士奔濟  
九十一學商冠裳是爲不朽之蒸嘗

旅夜聞鶴

環石齋詩集卷三

圭

傍舍誰籠鶴愛閑時一間淒涼酬雁戍窳窳岸雞羣  
落九臯月清搜萬里雲驚魂頻起坐愁夢與平分

靖安道中

一層山逕一灣田信馬春風趁柳鞭野鳥避人飛又住  
藤花開上古楓顛

至靖安

茲行可爲探春驅偏泥春光白袷濡剪剪寒雲噴石竇  
凄凄淫雨醉花鬚闌殘杜宇枝頭血拋擲山礬道上珠  
自分泥塗判置足路人猶道看飛鳥

再至靖安

漠漠春闌細雨綿悠悠返轍記平川疎吹柳線團風樹

容佈禾針半月田花沒馬蹄一二持鸞飛牛背兩三拳  
最懷人意頻搔首陸續聲中辨社鵲

三至靖安

轉蓬走馬月三週不盡山花近暮春淺綠深紅喬姊妹  
鶯黃嫩白掛金銀鶯兒已老語猶滑秧子初栽錦未純  
舍下有田應爾爾何緣開置畫橋身

建昌道中

滴瀝孤蓬聽鳥呼計程早已戒征夫山容水貌須臾換  
雨意雲情頃刻殊已信持籌空踟躕若教枚解更胡盧  
脫鞍宛囁難成醉判了浮生于酒墟

過鄱陽湖

環石齋詩集卷三

圭

漫漫野漲漸平溝隨意張帆一半收細雨落花春窳窳  
輕風泥柳客悠悠湖明似鏡天乎色草汎成波水共流  
遙指康山多歇藕誰能容易話封侯

燈下聞杜宇和韻

澹魄稠雲漏始升淺黃叢綠鬱昏燈聲吹幽澗溶溶合  
血濺寒山的的凝子美拜君心所寄竟夫識相道何弘  
凄清我但聽歸去無限春風未可憑

填海於今幾斗升思鄉長夜嘆無燈何來又以歸爲樂  
欲去頻啼血已凝大抵江天少躑躅豈能鳥道反寬弘  
語君束羽休聲者舍北閒枝且偶憑

咏金魚

清代詩文集彙編

種針繡出錦成稠金比精華玉比柔影落芙蓉嘆不盡  
涎垂翡翠逝還悠臨波神女空遺棧對鏡宮娃合點頭  
莫爲西施便沉却好將花貌向蘇州

馮川橋汎月

沙草凝涼帶露菲綵舟容傍釣魚磯  
山影動蟾蜍吐隔岸聲聞牧笛歸  
歌管漫勞長夜飲蟬蛸潛覺一身微  
笑人自昔懷南浦如此清光合奮飛

賦得江涵秋影雁初飛限韻

佳節扁舟獨向江初賓放雁一雙雙  
深秋正翻踰天塹幾日聯羣過受降  
習習影移金簡字嘹嘹聲度玉門腔  
含情不覺蘆花晚何處哀鳴下夜缸

環石齋詩集卷二

重

垂老江皋情已甘綠蓑黃笠坐瞿曇  
葦葢在水人俱遠風雨滿船酒未酣  
漢使牧羊飛尺素齊人戲馬學清談  
新亭日暮增愁思何似百川一絮涵

稻梁是處足平疇候節須知有石浮  
天塹自來無阻隔邊關振古不羈留  
朱萸晚向尊前綻黃菊嬌從鬢上尤  
東去長江聲窸窣碧空無際獨鳴秋

淡雲斜雁最蕭疎落秋光鏡不如一  
片布帆吹野艇幾家筆路稱幽居弟  
兄行列都成字夫婦孤飛遂有初  
聊借滄溟呈好影樂餘名教日長舒

春風憶昨送君歸誰識商飈又作威  
千里合光原晶晶一回顧影倍依依  
苦疑雁塞丹心繫不覺龍山烏帽飛

我爲嘉賓增護惜翺翔何用更忘機

奉新署樓晚眺

高樓晚更宜深柳罷黃鸝山水懷情遠雲霞作態奇  
驛聞收倦馬衙散隱樓峙湛露慚袍袖怡然草木熙

送張寶南世兄歸湘潭即用留別原韻

羣芳未便與羈留杜甫歌行宋玉愁  
細雨夜涵方潤筆新潮朝湧恰隨舟  
蘭心空向瀟湘結桂葉還從雲漢遊  
自歎年來疎計策郭門垂淚聽歸休

送君勒馬與君期水是馮川山是岐  
管見定窺龍變化賓曹未識鶴威儀  
百行窘迫元酬白三疊參差頃和荒  
不信試歸蓬閣卧紙窻泥壁看新詞

環石齋詩集卷二

重

淮陰廟

荒城古木啼昏鴉大貌功臣稱漢家  
一飯不忘況主德千秋猶得饗淮沙  
相君之面可無愧與噲等伍亦未差  
跨下圯橋一意耳赤松何竟不同耶

賦得桃花亂落如紅雨時與瞿培同賦

翩然辭樹下瑤宮幾日春光徧落紅  
好去作雲偏作雨等閒成色轉成空  
學梅應傍腮邊映和絮還與集霰同  
回首不堪枝滿子講經臺畔看衰翁

少將

英發人矜男子奇寧馨頭角似獅兒  
瞳神剪水晚烟闌玉樹臨風展繡旗  
乍向朱門彈孔雀旋從紫塞塞燕支

時悔被查封，賸思斷深閨。少婦看

女將

虎視千軍似此雌，肯將巾幗贈男兒。五花陣列斜侵鬢，細柳營開獨映睂。酷令但嫌孫武薄，改妝端笑木蘭痴。大爲節義開生面，誓海如今更誓師。

老將

玉門歸馬向朱門，每撫殘唐便斷魂。敵血未乾袍已敝，塞霜雖去髮猶存。深機自復同英俊，絕技無能與子孫。半世沙場筋力盡，誰令黃口坐閒論。

儒將

風流莫怪老書牖，王佐由來出聖宗。偶著棋經教客侶，

環石齋詩集卷三

壬

新編饒唱肅軍容，八公草木驅安石。三顧風雲起卧龍，牙將封侯奴僕貴。便教長揖去歸農，

降將

鼓衰力盡欲如何，事去幾曾忍倒戈。月夜吞聲登隴坂，霜天含淚渡交河。自嫌姓氏人猶識，其奈春秋老去多。設計難忘擇主意，誰教羣妓醉來歌。

郡城雨中登佑聖閣次然乙弟韻

六朝風景舊繁華，潑墨江城畫倚斜。多少落花拋雉堞，分明斷烟見人家。魚蝦久雨日三市，柴米乍晴時一譁。欲典青衫嫌已濕，就中紀畧肯教賒。

宿戚園步壁間許別駕原韻

園林秋意蚤十畝，自開閒魚躍亭臺。際鳥歸梁棟間，無人知曲折有客任往還。歷落窺池底，明星照汗顏。信宿習家池，主人知未知。塘開半月處，樓聽八風時。出郭饒幽興，臨軒妒好詞。何當塵暫拂，便去不能遲。

經斗文至署即席答其原韻

一勺馮川水，清光照鳳毛。五更鄉曲話，千里故人勞。爲政殊非錦，同仇數咏袍。少年幽賞事，忽夢更風騷。

丁巳西山道中感懷

年年碌碌在風塵，倦馬剛駝困頓人。未有祿糈供子職，反將兒女累慈親。溪山看慣尋常畫，南北飢驅十四春。此日里門勞悵望，白雲深處更傷神。

環石齋詩集卷三

壬

落瓦

西山山勢半回旋，馬首銜雲直上巔。拔宅真人庸落瓦，誰能檢點過神僊。

道中偶作

巖巖西山道，青松蔭羣草。羣草生不蕃，歷冬顏常好。我爲羣草欣，有命吁嗟乎。松固于草大，有造不信試看路。傍榮窳窳霜風吹，枯槁。

粉洋茶

夜光豈有朝霞映，海汎多應泣老龍。來與宮梅爭獻歲，饒他香味勝他容。

仙本何緣向使槎，玲瓏琢玉和丹砂。美人顏色嬌如此，

七城盧仝但看茶

施粉施朱全不是殷春豈合占春風天然國色無人識  
展視翻疑剪彩工

和文穉和咏署中八角亭玉蝶梅原韻

彷彿飛瓊佩玉妝瑤臺誰與鬪芬芳獨當一面春風冷  
好向三更夜月光庚嶺昔移傳驛近藍田自種引枝長  
笑盈底事呈奇艷何遜新詩到草堂

寄樓詠雪珠

海國輸將蚌母殘蛟人含淚上天難玉皇使者猶嫌細  
錦邊人間亦覺寒

環石齋詩集卷二

三

環石齋詩集

涇上趙知希大音父著

和斗文舟過潯陽關口望望湖亭

亭高湖迴氣冥冥湖泊亭欄若建瓴畢竟全湖皆在望  
翻教人望望湖亭東南風動千帆直大小姑來二髻青

楓落悲吟何處客潯陽司馬動清聽

百丈寺

去縣治百三十里居萬山之巖人迹罕到寺基宏敞殿宇別有  
天北峰口大寶曰大雄現拱前後誠一洞天福地唐大智度海  
經鋪設法華清梵于此諸教應宣宗少時曾寄編流參大智度即于  
此起登大寶遺跡多存甲辰秋奉 敕重修殿廡樓閣煥然一新

門外青松高百尺連山百丈半天中唐帝子從山下過

環石齋詩集卷三

一

大寶寺對寺門東寒珠亂激泉通牖幽管和鳴鳥奏功  
萬物從教新 雨露瑤花琪樹費天工

蟠龍石

結駁宮宗狀  
坐于此得名

蟠龍石上有龍蟠龍去惟留石一盤大海龍歸春浪潤  
空山石老暮雲寒細流寄跡閒曾撫翠蓋來迎坐正端  
廬下殘僧談往事諄諄猶作御牀看

仙人橋

在百丈之東經傍片石通于前龍  
潭吸巖縫數十仞索然不可行也

斷削雲霞造化幽月明曾否有仙遊受書準擬親黃石  
題柱何勞嘆白頭每到上方觀碧嶠便疑隔岸是瀛洲  
天台不復胡麻飯過去回來沒處求

老和尚看經石

在百丈東  
形狀略類

層巖怪石總嶙峋老衲看經最有神西壁幾年隨幻化  
點頭從此認原因香烟乍出雲千片燈火常懸月一輪  
直把鉄函宣秘偈不生不滅亦非真

瀑布泉

在百丈之南去寺十餘里原出新昌寒塘焉  
十餘丈得三大鉢或即室資黃藥海句處也

矯首臨觀立水奇紛紛翠壁下流漸人驚石破天中逗  
我識山從海底樁萬道明珠難著線一行素練恰抽絲  
人間大有飛昇路幽徑蟠靈早已知

木人墓

誌載爲智公研田人力作無悔不事言語諸僧呼  
曰木人死智公爲坐于寺前蓋亦當時之有道者

智師設法諸僧飯耕雨耕雲仗此公不把犁鋤原是木  
自歸窻窻亦成空淒淒曉霧滋山脈漠漠原田與澗通  
今日稻花盈珍域白楊多半落秋風

環石齋詩集卷三

二

滕王閣百韻詩 有序

滕王閣綠三王退之諸公序記題詠遠擅西江  
之勝地以人重信矣然唐宋以來作者林立頗  
乏長篇以盡揚厲豈以子安四韻遂闕筆千古  
耶抑此閣名過於實而作者間闕耶先是閣久  
燬余至江之甲寅年值督憲趙公重建得寓目  
焉不揣謏陋效樂天百韵之什固非有感於滕  
王也閣云乎哉

一上滕王閣千秋感興生鬱蔥表屏翰佳麗勝蓬瀛許  
遜功垂地澹臺姓壓城江湖流厥興翼軫寓其精清隔  
雙流合灘和萬籟鳴匡廬看北駐勾漏想南征樹色籠

村暗江湖與海平連吳先見雁近粵早聞鶯不向憑虛  
立焉知衆態爭春雲轉凹凸秋水湛空明因木生安異  
承寬結綵掌層臺當亢背崇維積嶢阿閣三重峙回  
欄九土井龍頭銜滴漏鳳翥集標疊簾映千窓拓基承  
八柱擎鸞翥翹碧瓦山藻刻丹極返照紅流灤低星白  
縱橫飛簷長寄窳懸鐸夜鏐鏐梁迴逃巢燕梯危著履  
憑欄驢看蝶戲闌闌聽蠅聲整折方壺戴龍眼倒影舂  
烟閣還佈蜃浪擊轉吞鯨想望流傳盛永言開國宏馳  
驅福早蒼燕享集簪瓔或恐開金鎖無由汎木翬舞衫  
綢繆初歌管落朱櫻晏婦生金屑霏微動水晶朝霞疑  
錦佈夜月覺寒傾祇合懷青瑣何須寶白珩剪桐誼可

環石齋詩集卷三

三

戲煮豆勢難嬰蝴蝶園堪襲麒麟畫不成物華與勝會  
雅望重時英浩氣韓公海駢言王子笙三生悵隔別千  
里肆達迎景向春秋盛文歸月旦評大言追漢史佳句  
似陸鏗八斗輸東阿十年厭左僮老兵如走狗下士類  
飛蛇溯的長懷謝無門得識荆盈珠顆落的玉盤  
盛一炬游焦土廿年長蔓菁漁歌春寂寞野憶淚清泚  
彼美空勞夢幽芳賸有情顏垣葬翰墨碎礫盡機槍河  
伯將來下帝閭未可令固知造物妒得不憂心悻制府  
兩江重名山一擲輕驚湖滋軟殼鹿洞長餘草况此賢  
藩地重之名士賡咄嗟常沒沒轉側意怍怍懷寶誠非  
貴採香應獨贏切灰遺舊跡倒篋議新更材本豫章巨

規由司馬營河干伐坎坎江渚度薨薨旁舍猶稱甲上  
樑還趁庚岡鬱蔭樸嶺岸陵溪潛求劍豐城出還珠  
合浦盈哀多益寡吉小往大來亨但看珠簾捲微聞玉  
笛清風雲開四牖日月照雙旌鑊鏡籠紗榻懸燈燦錦  
欄閣河森節鉞水陸紀郵程潮汐通仙島車書共帝京  
百花連北檻萬壑注東紘凝情雲爲路遙與鷗結盟西  
山長負郭南浦盡編氓章貢誰投壁滄浪漫濯纓長洲  
徇白紵沃野足紅杭修竹疎風幹高松老國楨漁梁停  
翠羽霜葉綴黃橙極目舒長嘯臨風解宿醒浮雲千里  
目激隘五都羅亥市朝鳴角龍船夜伐鉦藏衣憐野鶴  
空腹訝飢雛徐子今無榻宴起自有筌塵封梅福詭丹

理石齋詩集卷三

四

熟菖洪鑑大厦思彈鋏芳洲擬采蘅揮鉛試一割剖竹  
若爲榮雜簞如鶩鶴申嶽豈敢程暫開烟裏面且盡手  
中觥絕頂穿雲出微茫傍水行培風僊路近蔽月玉樓  
閣誦酒爲賢聖呼花作弟兄紅飛三月雨白飽一帆晴  
望古腸應直思親夢亦驚寸長無展布斗粟便拘倖信  
美非吾土言歸爲爾羹水高逃禹轍文盛有秦隄衛足  
方歌鳳藏真不賦鸚循牆思問字題柱漫留名余懶知  
非假我懷何處呈凄風猶衣葛寒食未嘗錫誰扶齊門  
瑟空悲趙女箏狂吟駢野馬痛醉得奇兵血嘔出多少  
頻撚斷幾莖問途悲阮籍抗疏薄匡衡非我豈知我如  
卿祇合卿青衫掩羸馬破麓走飢俘棄屣乘春汛還家

及早耕龍頭和笋煮雀舌對花烹

題錢狀猷松憲讀易圖

懵懂前程未可知空山讀易好男兒義文旨趣殘章簡  
龍馬精神試墨墨范應識忘機無大過可能迷路指多岐  
若將妙義來封尚賤賣文章是阿誰

和周玉狀留別原韻

臨川才子春風中筆如電燿絕雷同百六小試俱第一  
七十大年方發蒙卞和三獻泣完璞伯樂一顧嘶青驄  
門下弟子傳鐫刻宇內後學欣併繁另於西江立門戶  
遂令北海遙推崇東吳下士初束髮每讀公書思見公  
壯矣論文組經史傷哉用武喪英雄千里過訪我所嘆

理石齋詩集卷三

五

百朋相錫君何隆開卷琳瑯如舊識攜手精華見在躬  
得親先聖真消息深愧年少廢磨礱大索林頭舊暗更  
細繇厨下久塵破萬卷入懷先我醉百憂填臆以酒攻  
君不見漢伏生九十傳經豈便老先種後熟是謂種勞  
勞亭畔送君去君去還家及早耘天涯知己今有幾爲  
撥簿書答素哀

丁巳五日感懷有序

已酉端陽日余歸自山東蓋歷七年矣然乙弟  
喜余歸有狂病七年思艾劇離魂五日續絲回  
之句是日斷矢暑飲諸友偈道及之計歷今又  
踰七年人壽幾何別離多感撫景興懷因作此

併以寄之

樽前滿把舊蒲酒因憶連詩思清對客長吟憐我句  
遙時牽引望伊情擬今病愈還藏艾自愧魂消漫採蒼  
春忽夢中談往事回頭又過七年輕

七夕

龍綵停初向夜闌佳期此夕殊青鸞蛛紫片玉瓜初破  
鵲散長橋路正漫九點秋烟凝淚眼一行冷露濕霞冠  
何能乞與人間巧却誤長年一刻歡

霜月

老兔擎拳寒瑟縮蝦蟆跳跋杵白覆玉輪斜轉掩珠簾  
隔影吹灰揚軟殼萬里樓臺映碧霞驚驚瓦冷星參差

環石齋詩集

六

清威豈肯遠黃花天然傲骨翳輕紗惟有丹楓拚一醉  
朝來偏似春嬌媚

丁巳宿城隍廟曉起即景

逢日夢難入侵晨雨更除清光應依我靈爽豈容差山  
市雲全沒春城柳半遮歸休閒倚檻回望重咨嗟

春日野行和唐人韻

郭外泥青莎春風奈爾何移人部醞熟隔岸杏花多雨  
逐肩犁犢香泥脫鶯歌誰知田舍近景色滿關河

和唐人秋夜感懷寄朝士詩

衆星散四野明河虛練影一片皎潔光裁落桐花井砧  
杵漱夜聞歷歷玉階冷焉知貧作女披髮難爲靚誰將

幽谷花寄上蓬萊頂

秋初寄友人和唐人韻

萬里悵悠悠閒來偶上樓拂雲虛憶雁獨酌已知秋楊  
柳經年別葉鼓盡日愁相期蓬閣近與子壯雲遊

夕照和宋人韻

千嶽暝色合萬樹綠陰叢日暮回歸鳥雨餘散遠虹絳  
衣繁華荔綠羽集梧祠明月難爲色披襟御晚風

秋夜旅懷和唐人韻

由來宋玉善悲吟今夜秋心動客心一點殘燈然古驛  
數聲幽角和寒砧露盈叢菊香猶晚月到空潭景更深  
俯仰一生知此意冷霜閒翳莫相侵

環石齋詩集

七

春風和唐人韻

解凍颺和氣合柔輕翻簾幕重開樓梅疑點點吹人頰  
柳覺條條逐馬頭十八姨來無定性三千桃熟亦閒愁  
誰知一片憐春意亂舞閒花入水休

奉新魁樓

不信洪州道風光聚此間南簷瞻北斗東壁見西山平  
野開橫縱浮雲信往還星郎書咄咄盡借筆來刪

秋夕聞雁和唐人韻

寒寒江楓盡栖栖羣鳥休悲鳴如索月健翻欲支秋幾  
度低洲尾紆徊掠堰頭西風驚別意白髮暗孤舟

紅樹和唐人韻

清代詩文集彙編

四〇

南昌竹枝

驅牛下桃林拍手仰天樂但見紙鳶高春風何處捉

樟樹飛花頻歲歲章江流水自年年高門豈少閒牀第  
孺子何曾一覺眠

東湖曲轉豫章溝無復宮裘罩碧流帝子閒情揮蛺蝶  
春來還上百花洲

龍船競鼓夜頻趨猶是當年舊物華說與南朝有金粉  
蓼花洲上賣鹽家

西洋茉莉賴蘭長夏薰風滿竹欄莫捲珠簾閒悵望  
郎舟已過鳳凰灘

返面歸來話舊長籃與簾底見新妝銀瓶美酒親懷抱  
姑舅從時到阮郎

西山葛布感於紗漉酒先生莫漫誇爲說丁坊陳更好  
琉璃香轂太平車

庚申秋同梅子經茹曾子翰遠宋子元音舟發南  
昌喜甘子章成至自奉新遂同發

清秋淺碧景徘徊已戒舟人向曉開聚處便移老子興  
客中瞥見故人來枯相流水堪同泰寶匣新酬各別材

大快陵陽舊詩伯呼余急覆掌中杯

端午別奉新紳士

佳節臨行不自持久官頗似去家時病懷虛憶三年艾  
別恨常牽五色絲渺渺青雲人宛在萋萋綠野雨何其

憶百丈

思量惟有還山好醉捻新蒲看酒厄

百丈海公寺清規天下傳巖巒結院宇雲霧種桑田守  
犬猶疑塚野狐慣解禪何年了塵事重與禮蒲團

舟泊瑞洪示同舟諸子

信宿發章門侵晨泊湖場村烟開小市古廟通常謁蠡  
腹意吞江吳頭勢挽越規地勞神禹中天看明月秋漲  
已磨塵枯蘆如散髮天吳影動搖翔雁字出沒杖策撼  
龍頭乘風排帝閭千古話夜長八月清人骨問我何事  
來泥君因誰發欲探玉屏源莫受金谷罰事去悔勞勞  
詩成空咄咄

咏雪與希天聯句

主

元武勢何愁音大雄心溥土貪捫天青失黛音希琢地玉爲  
嵐浙浙花飛六音大綏綏梅遜三音希風姨勻面拂月姊開  
門甜音大猶羽色差可音希擬鹽味不堪灰吹龍燭冷音大絮

惹馬君懷音希埋鼠幾同象音大西城雪山洞中有象人與象爭可爲象生蛆却似螢僞  
絲迷指鹿虛餌賺空潭音大映卷瑩囊合音希泣珠鮫淚含

大飛遲毫上煩音希旋急劍拍鐙翠袖底湘竹紅唇掩石  
楠翅得愁散筆鱗撒欲空鏤音大水骨橫銀海音希冰筋貯

寶函音大潛聲清鶴夢顧影動鴉漸帆緊都從北車迷漫  
指南音希書收憑鷁帶傳到幸銀柑音大拂去花粘袖掃來

瓊滿擔窻虛疑積粟音希簷漏儼垂簷音大有馬皆曹植無

人不李郎麻衣曹國咏希妙曲楚人諸牧塞曾稱紫大  
渡關獨號監希程門驚骨立孟叟耐鬚耗大咏謝殊憐  
女希傳何恐不男封條頻掩映盈尺得濡涵大圭璧方  
圓合希寒香肺腑餒馬羊騰並得妻子靖同港大訪戴  
遠無語希擁文君與談釀醕偏喜苦大煮茗共嘗甘希  
策蹇徐籠轡異興穩稱籃大目搖光每眩希舌噤語成  
詢東郭足常印大袁安頭未探投綿難敵體希索米但  
流泔不歷窮陰異那知愛日單大吁嗟共老矣希白髮  
兩差參大

官閣紅梅同張寅南姚履端弟然乙聯句

破臘炎冰暑大街寒艷碧霄南一枝堪折贈二本得分

現存卷三

古

橋大清淺犀然微然繁華蝶夢遙大落江波未冷嚼雪  
口毋焦暈頰還疑笑實羞容漫與挑大臂經宮點翳稍  
掛月逾潮履酸子朱衣額墮仙紫府調羅浮殊色相然  
庾嶺倍招搖點額欺吳粉和鹽勝蜀椒大鐵槍綬細綬  
故劍綉仍饒林樞寧獅乳然唐妃稱鳳翅大芳心那寐  
寐實玉骨轉天天然樊素朱全綻夜來碧已消大北人  
看作杏南國射同鵲然九轉丹疑就三分品愈喬大聚  
居朝虹現散落暮螢寥履鋤月螭鱗動飛專珀沫飄然  
依牆誰擲豆覆水訝翻藻大密奏君王節履吉爭庶士  
宮經頭偏妬鶴映鬢竟烘貂大陽露晞晴晝陰燭熾雨  
宵履香魂酬杜宇實光景迫鷓鴣大韵落燕支雪然枝

鞭海石橋大杏林貪早醉然桃葉喜先招大竹外餘霞  
綺然花中奎錦標大彩流雲片片實錦地雨瀟瀟大六  
出然八風煖莫驕大羅亭翻艷曲邗水飲詩瓢  
渴止中須熱然淡盈形欲凋玉皇何日捧赤鳳幾時邀  
大婢妾蠟英華銜官玉蝶條履黃昏期更切大白手意  
難拈實點點先叢綠盈盈雜佩瑤然霏微飄絳帳顛吟  
隔紅綃大髮自催人白寒應耐火燒霜風侵寶樹實榴  
飲出橫簫拂鼻酣痴孟穿鞋惹醉陶大紅顏難再得清  
友不忘要履燭影搖虛室大彩毫動客寮履為憐三百  
樹照歲向來朝大

宿河口

現存卷三

主

暮發信陽郡泊舟河鎮西半帆如勒馬兩葉似連雞疊  
浪驚高枕飛花想蕩溪無情是風雨不寐已成題  
弋陽訪盧侯不值  
連鄆如兄弟停橈問是否山行君有役水急我回舟烟  
卷江城畫波翻客子愁即看沙上燕帶雨計綢繆  
春晚阻雨留口頃霽寬歸道上口占  
春深雷雨倏轟然返照陰森潑墨鮮星翠誰垂黑地  
石崩刺刺上青天一亭偶得百人坐四角俄驚萬點穿  
忽霽湖田饒鼓吹寬歸雲寶露輝煥林梢殘滴和風落  
草際遺珠抱影圓窳然漁家分野火依依路柳帶歸鞭  
役先嶺背燈如月水漲街心馬似船郵舍官寮同在客

清代詩文集彙編

晴遊雨宿已多年

黃金埠阻雨

碌碌舟車無日夜  
轟轟雷雨動山河  
今朝試宿黃金埠  
來日新添綠水波

餘干道中

千層樹色鬱嵯峨  
兩岸晴暉映綺羅  
花近清明含巧笑  
鶯依楊柳發清歌  
題詩豈得傷春少  
止酒將無割愛多  
看取弋陽沙上鳥  
飛飛其奈客愁何

徐槎

千頃湖光萬樹柳  
其間桃李正開花  
不知郎意緣何事  
又去西湖問若耶

環石齋詩集卷三

六

洲上人家

草舍柴門夾碧流  
一家彷彿似乘舟  
此間桃李紅塵隔  
或是漁郎得偶遊

贈天師張素堂竹林

嵯峨漢柏陰全薄  
縹緲仙巖氣轉雄  
被被雲衣山翠嶺  
離離玉佩水丁東  
潮鋪幽壑分銀漢  
珠瀑懸崖散碧叢  
怪石變雲千古鑿  
醺壇拜雨四時通  
重門洞達深堂語  
複閣飄搖古鐸風  
龍虎關中排五嶽  
雌雄劍底起雙虹  
鼎鑪猶遺銷磨象  
山海常存宰制功  
自是洞天鬱百福  
至今靈廡埒三公  
每由天眷物華盛  
豈以人爭造化工  
望斗昔曾窺秘籙  
識荆先與認方瞳  
三茅君有傳家法

十種仙唯道行隆  
小阮簫聲初窺鳳  
時小天師年十五  
文望轉魔窮  
未堂工舉子棄舉  
難銷菊酒遺陶令  
敢望丹砂  
饋葛洪  
白晝欲眠看罔象  
朱衣相索盡虛空  
掣雷杖舉  
經天碧浴日池開  
向曉紅爲道蓬萊舊遊處  
年來身與海鷗同

清明泊奉新倉得蔡璣業去歲感別之什時余又將欲北行即裁答兼懷陳安世及蔡氏諸昆季

泊船暫憩舊倉門  
倉役持書道舊存  
開識故人懷別憾  
意如新火到行樽  
贈黃愧我兼甥舅  
安世蔡氏外甥  
對萼憐君妙

弟昆章水試吟頻  
下淚桑乾載詠魂

環石齋詩集卷三

七

一泓靈雨貯天池  
聖朝有道將誰與  
魯國無賢焉取

斯舊恨新縈無是處  
片帆欲發雨絲絲

化龍石

在黃溪之南去縣治五里許傳有仙人題化龍二字于壁每雷雨會試年邑有得雋者字始現否則隱焉

化龍石龍爲字誰其作者  
仙人戲現何奇隱  
何秘石但能言石不智人世浮名亦偶然  
浮名何與神仙事

章江阻風

歸心無日夜坐悶  
聽汪洋風捲一江白  
沙飛二月黃  
陣雲掣上下積雪依顛狂  
空嘆清明去園林大半荒

鴛鴦

從來不解有相思  
日日雙飛依錦池  
繡女欲描思過半  
君王誇勝正情移  
並頭擬傍蓮花影  
交頸由他水鳥知

可惜世人多嫉妒爲言一色已參差

韓信

逐鹿中原鹿死分可憐一逕便空羣漢家鹿本秦家鹿  
鹿死焉能不異君

花莊夫人

宮詞盡譜後庭花汲井長竿出麗華十四萬人添一箇  
從教依樣抱琵琶

白鵲

纖毫水墨畫修翎以白稱勝未可聽鶴素偏宜分向背  
雜文全已減丹青試開竹籠旋銜影似隔花陰豈入冥  
今日留君留一本故教五柳且消停

環石齋詩集

大

舟行示梅經如暨門人劉書香

老去爲身發興奇三春來往月三移微風柳絮粘蝴蝶  
紅雨魚針惹鷺鷥日日看山都向水時時對酒促題詩  
長公莫漫出頭地竊比都官未可知

夜行

山塢全收雨江皋尚漬泥置郵雖有命行夜得無迷燎  
竹看人曲圓燈逐馬蹄此時安堵者美睡厭聞雞

夜渡

純冥明生水微波影夏渚座人靜若思舟子語潛聽兩  
岸微茫是雙橈對舉停行行辨樹色漁舍出寒星

白菊和唐人韻

試從秋圃按羣材惟愛黃花作雲開屈子夕餐遺玉珮  
杜陵雙淚落銀盃腸滿多恐留羊久脩月還疑逐兔來  
每憶藍田深得地憑誰更好刷雲裁

至田家

畢竟田家好偶來約與存農桑自衣食學校長兒孫聞  
犬歸迎客驄難促具贍雞牛與環樹斑駁依柴門

蒼嶺

十里松陰合千山雲意舒路花開笑客風蝶忽穿與已  
留身如馬何須事問魚徘徊清澗上顧影愧靈裾

大陽

伊昔聞高唱相傳是弋陽暮年事趨走晚影看淒涼竹

環石齋詩集

尤

樹還遭合梨園日夜荒還如在齊右寂寞過高唐

漫興

白髮爲郎歸去來暖風吹雨過黃梅舊薇含淚還牽袂  
荷葉傾珠似送杯莫遣玉顏辭樹去須馳鐵馬逐春回

長河一灣西流水翹首松陰猿鳥哀

小園

小園施古砌幽意在回廊藕葉掀池綠桂花黃豔黃石  
房秋雨滴竹枕晚風涼拍手看蝴蝶誰知是夢莊

新夏郊吟

新夏出重郭長河散四渠麥枯三月後蠶熟四眠餘漠  
漠農夫眼搖搖客子車水田見白鷺問汝得多魚

暑內梧桐

意欲凌霄迴出牆  
畫樓掩映聳孤芳  
秋風染骨將琴瑟  
春露滋花待鳳凰  
綠陰下移雲錯落  
清寒不動月中央  
年來刻木成何用  
空置龍門托豫章

驚鷺

千百爲羣碧樹盤  
喧翻竟夕不成安  
明朝日出知何往  
隻影銷聲晚漫灘

偶憶藏書

七里山前舊索居  
曾將先澤扁深廬  
如今且喜銷塵盡  
免得兒孫又賣渠

止酒

張石齋詩集卷三

子

止酒經三月愁腸  
有萬端髮稀無俟  
白顏損轉憂丹仿  
佛思吾友支離失  
所歡花朝與月夜  
空對萬錢盤肺病  
何年事腸枯良獨  
悲乘風脫帽後候  
月捲簾時對酌客  
常問挨斟僕已知  
醉鄉無國士正恐  
倍相思

途中乞茶

老樹纏藤蔓春來  
亦著花過橋沿曲  
澗覓路到田家  
猶子能驅犬家人  
喜具茶可知王政  
近何用乞胡麻

秋千

後庭花落倍嫣然  
飄去旋來得半仙  
多少美人歌舞死  
千秋人似送秋千

贈友

庚申從奉新之貴溪

下馬問君好君言  
君未老攜手背殘  
陽拜弓落飛鳥  
十年心已灰百丈  
首重回一葉從東  
上孤城傍水開  
雲歸去甘雨送秋  
來何處覓鄉艸  
相將有限杯

古意

那溪一二日早晚  
有潮通今君題紅  
葉莫寄如花風

青蓮寺

翠閣連城起青蓮  
止水中秋山一聲  
磬烟竹幾回風走  
雲無定逢僧語便  
空勞勞許元度何  
以答支公

杏子

爲愛仙家近白榆  
離離半出壓墻隅  
黃紗熨齒酥于蜜

張石齋詩集卷三

主

清味攢香冷似酥  
虛憶粥香傳近舍  
卧閣梅雨滴空株  
看花又是明年事  
說與雕梁燕子雛

可嘆

十年牢絡滾塵紅  
萬種離奇阿堵中  
翻覆幾回更局勢  
炎涼亦復是天工  
難知休咎塞翁馬  
不問求亡楚國弓  
靜看人脈數澤高  
情渺渺寄飛鴻

冰影

寂寞相隨隱現中  
百年常伴事何窮  
精神自足凌陽鳥  
氣韻無能殺射工  
東燭趁遊良有以  
侵晨對舞意還雄  
冥心悟破虛無底  
一概忘機雨雨空

弋陽山店

初夏涼猶剩荒邨客已勞山光承月遠松韻受風高深  
簷螢還亂青田蛙正嘈惱人眼未得夜角爾無操

清明偶過百花洲

東湖聚錦影徘徊不是遊人亦暫來一任黃沙吹眼閉  
白雲紅雨滿芳堆謝公屐齒留香久滕國舞衫酌酒回  
遊騎湖中徐孺子可憐帶水隔荒臺

過騎龍山示僧

白沙溪上舊耶玕一院當空草草安落日猶能瞰絕經  
出雲未得比奇巒鐘聲晚飯收殘雨漁火深宵度淺灘  
寄語山僧休顧惜少別密竹再來看

得替後移居感意

環石齋詩集卷三

三

一棟猶得半間分西舍亭亭依此君夜雨苦憐填海鳥  
春風喜釋負山蛟上弦月是下弦月今日雲非昨日雲  
好買一帆歸去也祇將薌艸告先墳

丙舍竹

孤城丙舍此君園萬箇蕭疎玉露繁新葉出牆開鳳翅  
舊梢隨向覓龍孫題殘墨客青錢管卧想田家老瓦盆  
何日遶枝閒攜去翩然垂釣海南門

信陽道中

幾年行邁似飛蓬吟域崎嶇一路通蟬噪綠陰愁暑迫  
鳥鳴白日覺山空奇峰斷續雲天外古木參差烟霧中  
日暮更投何處宿樓臺隱隱夕陽東

山行

山行何所事幽興我思存路轉溪聲小雲深野確喧酒  
開峰亦至花落鳥能言忽地聞高嘯應歸楚客魂

憶小園

大父營三棟先君築四椽便宜家舍近免爾讀書勞遠  
別殊非望浮名何處高殷勤囑嗣子莫使長蓬蒿  
園小植常滿時清樂有餘肅歌聞自得懷抱幾人如白  
眼三杯酒青燈一卷書于今夢到處猶似出門初  
開門揖良友歌嘯與心期臨水花相笑隔牆鳥已知無  
眠是月夜縱酒及芳時廿載天涯隔况繁存歿悲  
園小不宜樹植盆肯趣同流連諸物理點綴近天工抱

環石齋詩集卷三

三

雙蓮時灌漑書以意攻誰知輕一簣白首怨何窮

久雨喜日出

淫雨綿綿困薜蘿豁然日出見山河竹陰印卷呈餘綠  
池影延梁仰細波亭午有光垂井底侵晨送暖到巖阿  
野人將以酬天子不及葵心所得多

山行阻雨

送寒迎煖隨時逐北騎南轅何日停客路已愁泥裹足  
山雲復展雨霖鈴伏鞍不及施油蓋暫駐剛能到草亭  
欲扣禪關聲寂寂坐看簷瀏色冥冥

老樹

老樹河橋畔支離寶散材餘顏新寄草空腹舊生雷操

三峰陸子書院

棟徒悲朽雪霜未厭摧曾經八千歲猶著兩三莖  
野色平橋院宇涼天開玉峽蘊光芒三峰出雨滋薌水  
陸子談真舊草堂白鹿一生資砥礪青麟百世見羹牆  
後來學者無能定珍重爲添一瓣香

初夏宿白田張氏莊

百畝爲宮繞碧溪石橋曲徑四垣齊黃茅日出驅眠犢  
綠樹雲寒出曉雞時鳥變聲張管籥水田星散裂玻璃  
低徊欲去還留憇歸去難尋夢自迷

和詹涵川舟中原韻

帶霞盪破一江紅簇簇波紋剪剪風青艸隄長沿運上

陸乃齋詩集卷三

古

綠楊村遠有潮通踏歌送客隨雙擊檣燕留人語半空  
記取西山真面目丹青或恐損天工

將歸自貴溪奉母先歸寄四弟

一官三調十年頻碌碌偷回在仕身六月月明帆影駛  
九江江滿浪花春形容羞對山中友得失心同局外人  
爲向持家阿弟說先歸白髮一慈親

貴溪口占別邑父老

晴天漠漠吹楊柳江渚依依坐石苔白首離羣看落日  
青雲隨意著寒灰囑伊樂土頻年好問我朝天幾日回  
明發扁舟何處宿江流九轉預腸迴

和詹涵川送別原韻

有序

涵川同寅而訂交者垂十年會先後俱調隸信  
陽更密邇教益辛酉余謬膺北選已行矣而涵  
川有會城之役遂不能握別悵甚自信抵弋沙  
磧月光之間隱隱泊數舟或疑爲涵川也急呼  
之響應焉遂登舟拜別併出送余行之句讀之  
中有却教載月望行舟句相顧風景宛然愈嘆

涵川之交有道而文章更有神也因次韻答之  
系爾精純玉不如幸於江渚接高車十年論世盟心舊  
之邑同袍載冰初玉嶺遠遺君子珮鄉河重割故人書  
隨蓬偶聚歡無幾分袂從茲恨有餘

長河激壑月同流落落相逢酒一甌五嶺雲霞高駐節

陸乃齋詩集卷三

圭

三吳風雨下歸舟月光偏照人生別酒力難禁客意秋  
便有繁花惆悵處爲君獨上最高樓

鄭子漢林洪子樂侯弟雲翔同送余之任晉州舟

泊水西山下聯句

踏歌曾自昔年聞音大此日乘舟又送君漢潦盡挑簾迷  
舊約風飄雁影怨離羣音大遙知客路題紅葉每倚闌山

望白雲音大不羨江鄉懷舊德燕山從此勦奇勳音大

答四弟贈別原韻

還家匝月總繁愁幾度牽衣去復留拙性應知安刻鵠  
痴兒還與教爲裘側觀沙上慈烏意更聽林間好鳥求  
如此別離如此語一舟安得任悠悠

賤辰日舟抵采石再疊前韻

百年過半不知愁一任時光去不留月下便移蘭桂機  
興來還典驢騎裘朱顏已改貧猶樂白髮寧教富可求  
却到青蓮舊遊處狂歌爛浪思悠悠

哭霽峰

昔年曾聽此山鐘一卷殘書一枕松今日山僧何處去  
月明虎渡杳無踪

都門感懷

一抱琵琶漢苑空蛾眉從此慣追風至今獵盡沙場暮  
怨殺當年老畫工

除夕立春和韻

環石齋詩集卷三

三

客裏辛盤不及家爲移春思到天涯今宵擬倍千金價  
便與東風議百花

醉後寄山中友人和唐人韻

漉酒多時苦未濃閉門獨酌拉塵容豈知倒甕思眠竹  
猶自含毫笑倚松近市雞羣迷叔夜遙天鶴語憶王恭  
修琴幾日能來此欲向名山問所鐘

野人送朱櫻和工部韻

幾日春風已飽紅連枝和露倒筠籠傳來青鳥何曾盡  
泣殺鮫人未得同野老分明憐賦客金盤曾否出瑤宮  
莫辭細玩相將美樊素多時首似蓬

漁父和唐人韻

春江隨意片帆飛多少魚兒得便歸楊柳泊船分又合  
鴛鴦隨棹去還依人生網底收朝露世事羊頭挂夕暉  
昨日客舟相問訊得錢沽酒尚言非

早秋和唐人韻

句晚憐秋早移林對薛蘿人間驚蟋蟀天意愛星河奕  
奕樓臺迥蕭蕭竹樹多微涼到倦眼流火掣金波

早春山行和唐人韻

細雨山初染孤狂雁逐飛嶺梅含雪意林鳥護巢歸客  
子春行客故園花信違每思新臘熟野店過來稀  
風暖崎嶇路霜蹄意欲飛雲翻古洞出雪憶大江歸採  
藥情無極探梅興不違徘徊橋斷處祇爲到人稀

環石齋詩集卷三

五

湘妃廟用劉長卿韻

伊昔蒼梧沉二女至今遺廟在江濱祇宜湘水頻添淚  
不信巫山敢作雲琴瑟遠垂宮寢澤山龍親補帝妃羣  
長廊莫種斑斑竹月落猿啼不可聞

白露爲霜和唐人韻

金飈勻湛露玉葉暗繁霜開戶初呈白窺籬已綻黃游  
魚思渤澥旅雁下瀟湘葛屨愁冰至仙盤覺夜長如花  
羞國色似月借天香舉世無松栢加威豈有方

早春邊城懷歸和唐人韻

天南一鴈飛春望欲開園馬踏塵初軟孤窺凍漸微上  
林花事近朔野柳枝稀威遠頻馳節恩深疊賜衣毋牽

兒女慮盡縛遁逃歸何日陽關道回鞭趁草菲

海望和唐人韻

浩浩乎平川微茫幾點烟華夷同注水今古只飄船極目疑無地相看已在天可知徐道士一去一千年

環石齋詩集卷三

近

卷三終

環石齋詩集

涇上趙知希大音父著

聞笛和唐人韻

誰作瑤華曲清風故送哀聲依後斷處韻逐鳳飛來翠  
嶺真江遠紅樓爲月開寧知遷客淚盡灑楚天梅  
倚月清何極經秋意更哀危樓千尺靜長笛一聲來水  
咽吟龍苦雲頽燭竹開桓伊今已老莫更唱飄梅

白菊再和前韻

吾愛靖節白壁材手持太素西園開朝起探籬亂鶴髮  
醉眠遺客丟銀盃青女張霜相依切夢蝶堆粉閑尋來  
賈斲天涯燕支貴後來此種誰能栽

珍珠蘭

海國支離蔓艸看潛來中土不勝寒簇如萱葉排金粟  
香類江蘿過不蘭文蛤戲開魚子入鮫人笑結淚珠乾  
欲知異味形骸妙不爲王者到合難

一種孤香獨有神什將形貌問前因情繁九畹參差似  
名襲摩泥是否真入現應教珠倚玉流芳不歇夏交春  
分明脫盡閒花樣金谷樓中第一人

綠蕊盈盈聲價殊國香同臭看如無久知契結金爲敵  
今見芳兼德不孤入幕氤氳難細綴銜盤歷落已平鋪

可堪幽潔尤成癖未許丹青作畫圖

安貧和唐人韻

日長高枕讀殘書許借溪山入畫圖常笑堆盤唯昔菽  
微聞更屢賦朝霞青天與重簾首看白雲來一持鬚  
老去空桑猶在抱豈能有法再吹竿

覲奕

長髮午黑驚觀甚亦可欣得回判玉冷開發井樹紋  
合花邊落涼深深陳子歸吳越主局嫌觸蠻君攻取  
緣機得中邊以勢分良朋更迭角好手動趨羣坐隱中  
多熱忘言意兩股一聲時覺鶴終夜抵疑蚊鳴和每笑淚思  
蚊和之及和又和竟夕不  
已終法不覺後情為笑誰是驅獨亂都逃剖橘芬敗如下第

環石齋詩集卷四

二

士勝似凱旋軍美睡通床寐清鏗滿院聞戲開端木  
憤解魯連紛笑爾金蘭契由他玉石焚覆圖飛疾電查  
路捲殘雲愧乏羊玄過慙無李泌文隨人聊爾爾信手  
亦云云煮茗渥枵腹沽醪定策勲老夫非好事借此滌  
籍氛

赴京途中過雪和唐人韻

長劍倚千里孤征值九天凍雲堆大野密雪暗前川  
馬方疑路飢鳥下啄田未知瑤島近先看玉生烟

秋夜宿僧院和唐人韻

秋風吹古寺投宿許依歸露菊收新飲垣蘿長舊衣  
榻雙於靜僧定一燈微不共遠公話何能與世違

古寺空山裏從僧問所歸月來樓白露塵不到緇衣有  
酒添秋興無言入妙微固知今夜夢便與俗因違

寄山中高逸人和唐人韻

雅憶山中客搜奇興不常古雲閒出屋活水曲通房結  
臥知曉吳延年索藥香何時豁塵事共話竹窻涼

孤鴈和唐人韻

楚天無限鴈陣下斜暉同是舊遊處其如旅思違字  
中飄一點月裏影雙飛寄語歡眠侶春來好早歸

尋桃源和唐人韻

昔聞秦政虐今訪武陵溪流水花還落深林鳥正啼分  
明淵究在往返路空低欲問知誰見漁郎久已迷

環石齋詩集卷五

三

蒸霞遠近齊人世雪漫溪民自秦朝去鷄猶晉代啼層  
雲隨望遠流水逐灣低欲向漁郎問路從何處迷  
聞有桃源路尋來只此溪入山猶虎嘯到彼有鶯啼花  
片落還落水聲低又低秦人豈絕世欲出一般迷

對花和唐人韻

蕩漾春暉九十期箇中消息蝶先知玉樓擬折傳盆朵  
金谷將裁綴髻枝豔色教添微雨滴國香定有好風吹  
年年為爾增詩興羯鼓騰騰半發時

秋夜船行和唐人韻

秋水澄鮮月扁舟接遠輝登鳴知岸近鴈下識潮歸宛  
轉雲帆窸窣飄搖楓葉依欲沽酬不寐相趁一燈扉